

պերին է վերապահուած Թրանսիայում բարձրատիճան եկեղեցականներին ինչպէս այս կամ պաշտօնի մէջ նշանակելու, այնպէս և նրանց հաստատութեան իրաւունքը: Իսկ այս հանգամանքը միանգամայն հակառակ է վերոյիշեալ դաշնագրութեան առաջ բերուած յօդուածներէ մտքին: Վերջերս դարձել է այս Թրանսիայում հրատապ խնդիրներէց մէկը և Ֆրանսիական հասարակապետութիւնը օր առաջ ցանկանում է ազատուել պապականութեան գերիշխանութիւնից:

ԱՆԳԼԻԿԱՆ ԵԿԵՂԵՑԻ

Մարտի 9-ին (ն. տ.) Կենտրոնը իւր մահկանացուն կնքեց անգլիացի նշանաւոր քարոզիչ և աստուածաբանական գրքերի հեղինակ Թրեգերիի Վիլիամ Թարրար 72 տարեկան, հասակի մէջ: Թարրար ծնուել է 1831 թ. Հնդկաստանի Բոմբէյ քաղաքում: Պատանի Թարրարը իւր հօր հետ անցնում է Անգլիա, որտեղ իւր բարձրագոյն կրթութիւնն աւարտելուց յետոյ, նուիրում է իրեն հոգևոր կոչմանը և աշխատում է այդ ասպարիզում: 1857 թուին ձեռնադրուում է քահանայ և շուտով մեծ հռչակ է ստանում, իբրև նշանաւոր քարոզիչ և հռետոր: Իբրև քարոզիչ նա վայելում է այնուհետև մեծ հեղինակութիւն ոչ միայն Անգլիայում, այլ նաև Անգլիայից դուրս ուրիշ քրիստոնեայ երկրներում:

Թարրարի զբաւոյր երկասիրութիւններից նշանաւորներն են՝ Լեզուի ծագումը, Մարդու անկումը և ուրիշ քարոզներ, Յիսուսի կեանքը, Պօղոս առաքեալի կեանքն ու գործերը, Քրիստոնէութեան առաջին օրերը, Եկեղեցական հայրերի կեանքն ու գործերը ևլն: Նրա աշխատութիւններէ մեծագոյն մասը թարգմանուած են ռուսաց լեզուով, մի երկուսն էլ հայերէն:

